



Slefs cueceni



Idiom: Gherdëina

Inom original: Lucky Lips

Meludia: J. Leiber-Stoller

Test: Reinhard Stuffer

Na bela sëira ei urtà
na blòta jëuna da ulëi bon,
sun si bieis slefs cueceni
l'ei busseda te n vagon,
y po' l'ei damandeda
sce la uel unì cun mé,
si slefs cueceni me à nciurnì,
ma ie sé bën ciuldì.

Slefs cueceni ie per mé
for stac tlo per se bussé,
slefs cueceni ne n'ie nia saurì da abiné.
Da l di che l'ove ududa
ie pënse di y nuet
a ch'i slefs cueceni
da ulëi bon
tl ultimo vagon.

L tëmp ie šën passà,
ma ie ne me é nia desmincià
de ch'i bieis slefs cueceni
che ntlëuta ovi bussà.
Šën sons adum truep ani,
mo mei ne ei lascià

de bussé ch'i slefs cueceni,
lascëve dì, l se à païà.